

գործոց 'ի ձեռն պաշտօնէից նորին, գրեալ իլաֆ և Հէօճ-  
 ճէթ, որով տեղեկացան Արքայ և պաշտօնեայք նորին ա-  
 մենայն հանգամանաց գործոյն, և 'ի վերջոյ 'ի հաստատու-  
 թիւն նոցին՝ զգումարելն ժողով նորին ինքեան և զտալն  
 զերկուս Հէօճճէթս, որոց մին առաքեցաւ 'ի կոստանդի-  
 նուպօլիս միւսանգամ տեսանել Տէրութեան, զարձեալ  
 գիր, եւ համաձայն նմին հրաման Քաղաքապետին վասն  
 Բեթղէհէմի. և զնամակն զոր գրեաց առ Դենպետն. այ-  
 սօքիկ չե՞ն բաւական մեղ ասէ մարտնչիլ ընդ քեղ յա-  
 տենի Տէրութեան, դա՛րձ յոր կողմն եւ կամիս: Դատա-  
 ւորն փոխեալ զեղանակ բանից իւրոց ասէ. ընդ խաղս ա-  
 սացի, սակայն և զիս մի թողուք անմխիթար:

Լատինք չոքան առ Քաղաքապետն, ուր ժողովեալ էին  
 Դատաւորն և գլխաւորք քաղաքին, և նախատական բա-  
 նիւք անարգեցին զնոսա, առաւել յանդգնելով ընդդէմ  
 Քաղաքապետին եւ յաւելին ասել՝ միւսանգամ կազմեցէք  
 ժողով 'ի դատապարտութիւն Լատինաց: Զի դաւադրու-  
 թեամբ Քաղաքապետին որսացեալ էին զոմանս յայլազ-  
 գեաց, և խոստացեալ ցրել զառաջին վճիռն: Սակայն Դա-  
 տաւորն խորագէտ ծանուցեալ զխորհուրդս նոցա, կեր-  
 պիւ իւիք զարձոյց զնոսա յետս, և անարգութիւն համա-  
 րեալ ինքեանց գրեալ ծանուցին կուսակալին զյանդգնու-  
 թիւնս Լատինաց: Այլ նոքա բացեալ զդուռն տաճարին  
 Ս. Յարութեան հանին արտաքս զմիաբանս իւրեանց, և և  
 կնքեցին զդուռն եկեղեցւոյն, և թողին անդ միայն զեր-  
 կուս սպասաւորս, և համբաւեցին 'ի քաղաքին թէ Լատինք  
 մեկնին յերուսաղեմէ, զի Հայք տիրեացն տեղեաց նոցին,  
 'ի բերկրութիւն այլազգի կուսակցաց նոցին, և պատրաստ  
 լնցին տալ պատասխանի Տէրութեան և Դեսպանին: Բայց  
 ոչ ոք հարցանէր 'ի նոցանէ թէ զինչ գործէք:

Եւ յերեկոյին 'ի բանալ Հայոց զդուռն Տաճարին, մու-  
 ծին 'ի ներքս զերկուս կարգաւորս իբր պահապան կնքոյ  
 գրանն: Եւ 'ի նմին երեկոյի ածին յերուսաղէմ՝ զբազմաթիւ  
 լեռնականս հարեալ 'ի շրթայս, զորս առաքեալ էր փոխա-  
 նակ Բդեշխին Իպրահիմ 'ի կողմանց Սամարիոյ 'ի յալթա-  
 նակել իւրում 'ի պատերազմին:

Դատաւորն և այլազգիք մինչ ժողովեալ էին յապարանս